

小

草

齋

集

小草齋集卷之十六

陳留謝肇淛著

友人陳宏已校

五言排律

贈徐興公五十韻

徐郎年少少聲價起南陲爲有楊雲賦兼之潘
令姿玄言時輩屈高誼古人知俠氣翩翩甚文
章字字奇對談時不飯聽詬幾忘炊閉戶看周
易招魂讀楚詞青雲閒睥睨白雪任敲推坐上

朝霞舉風前玉樹吹禮陳
我輩性僻是吾師長嘯傳林谷忘機友鹿麋九儒招隱遁大逸日
追隨佩劍幻闌葉卮時挂竹皮浩歌常擊鉢得
句自吹簫觸手書卷消愁酒一卮客來貧不
厭馬至醉能騎傾病酒人慣清狂任俗嗤祇緣
本不偶是叔數長奇有約攀叢桂何人念蒺藜
者毛應識鳳曳尾巴成龜採藥鼈峰上垂綸岳
水涯長卿方病渴謝傅共襟期並駕安從置風
流固所思襟頭慚小草園裏茹靈芝知口懷無

刺驚人袖有詩形看兀不穢情甚故應凝竹徑
披雲處花陰待月時及門頻下榻賭野共圍基
大白浮桑落輕紅進荔枝雨過疏甲穩木落鳥
巢危細草侵涼簾狂風墮接離把杯交爾汝燒
燭聽五伊苑鼎烹山茗荷盤薦露葵歌聲高翫
隣書法濕淋漓翫世誰青眼登壇是白眉忘形
還自笑相樂又成悲駿骨千金葉孤裘五月披
女方嗟落魄吾亦嘆淹遲璞向王門獻木從帝
里繙朝廷思徇監湖海任鷗夷南郭長欺魄東

方不耐饑沙並迷花牡豐獄失雄雌季子金都
盡馮生鋏向誰風塵頻復塞歲序遂差池莫恃
心如錦私愁鬢似絲楚音長已矣齊瑟竟何之
天地傷多事而林且自怡亦知甘伏櫪豈敢憚
爲犧談已過三詞歌堪托五噫有憂揮涕淚無
計起瘡痍願得辭塵網從君入九疑

秋夜林太學載酒至得衡字

竹林秋夜寂尊酒結詞盟上客投簪會新詩刻
燭成金尊浮大白玉盤進青精卷幔空風入虛

醉待月生花陰松子落苔砌草蟲鳴遊已同年
仲狂無笑爾衡南方誰拔轔北半已當楹露葉
侵瑤闌霜花冷畫屏玄談澆壘高詠破長城
俠氣無今古不情總弟兄相看殊未厭擊鉢共
同聲

喝水巖

不盡看出意言登喝水巖千年流不返遺訣字
空緘瀑共天花落詩多石壁剗洞雲團寶楊山
鬼頂經函覓酒僧能貰鋪檀草可芟蜃光疑結
鬼頂經函覓酒僧能貰鋪檀草可芟蜃光疑結

綺嵐氣欲沾衫隱見雲中樹微茫海上帆崖陰
啼虎豹洞古老松杉怪路樵難下前峰日半銜
由來丘壑相從此謝塵危

燕邸病中戲柬鄧汝高進士

秋風來天未問爾胡爲乎家自去年別病知何
日蘇酒應澆壘塊俸足飽侏儒雨過平蕪盡雲
歸絕塞孤晚鶻蜘蛛自網空屋燕相呼長路雙龍
在鄉音一鴈無客身飄似葉米價貴於珠西鄙
新驕子南冠舊酒徒有情勞夜夢安無力厭晨趨

同病異憐女新愁非故日白雲飛不住腸斷巴

江鱸

北行紀事二十韻

絕寒蟬聲裏層雲鳥道傍山當易水紫日落薊
門黃風物連天國星河非故鄉有時見城郭盡
日在沙塲雨飄梨初落霜深黍藏坎泥深沒
馬盤徑曲亡羊廢寺僧雙口殘碑字數行門編
茅作瓦石倚樹爲牆村女高椎髻行人短後裝
沙田秋刈麥土屋夜春糧棗熟從兒盜禾登任

婦忙雞豚村間有榆柳路相望處處逢驅輦家
家隱賣漿園居疏度日草店麪如霜古砌寒蛩
語官橋野菊香客心正搖落秋色倍淒涼晏宿
星隨馬晨征月在床風鐘催髮髮露葉犯衣裳
况值兵荒後霸愁道路長治城風日好寄謝倦
遊郎

賦得金陵王氣送陳永奉南還

送爾尋佳麗鍾陵舊帝都龍飛雙闕在鳳去一
臺孤山色成今古江聲半有無風流全入晉霸

氣盡銷吳井帶胭脂濕樓餘綺繡鋪寒霜照柏
檜秋水冷孤蒲譲殿花猶雨臺城柳自鳥興亡
不堪吊且覓酒家壚

生子

半生悲未槿今日試桑弧夢入占熊在毛看似
鳳無雙珠初出蚌千里未成駒神已如君水家
應卽太湖漸知人笑語先得父膏腴釣碣風流
遠烏衣世代殊草玄吾未敢留歌問童烏

端陽日陳幼孺過飲草堂因懷同社得咸

字

佳節逢君日 花前杯共銜
相從飲河朔 何意吊彭咸
浴試芳蘭珮 風含細葛衫
按琴尋舊譜 看劍斬塵囂
竹亞當簾檻 鶯窺近水巖
暗香傳茉莉 殘雨度松杉
跡悲聞越子 存亡付楚凡
女休歌短鋏 吾已托長饑
野與東山屐 歸心碧石海帆
題詩寄同社 泪濕不能緘

偕鄭翰卿遊飛來峰得庵字

躡屐恣幽探 畏羅意未酣
青山不飛去 雲木鬱

相參磴斷緣晴壁泉飛倒碧潭洞空秋乳淨塔
古暮烟含桂子香龍澗苔花老佛龕鶴啼松外
嶂僧定竹中庵已盡王猷興還從惠遠談醉歸

山路寂閒唱望江南

同陳振狂顧長卿世卿登靈巖十韻

暫息微名累來登晨上半天低孤岫外日落天
湖陰霸業青山老佳人黃土深廊崩虛響屢臺
廢罷鳴琴苔井村僧汲葦湖礀月侵有溪寒飲
馬無樹夜棲禽草翳遺宮失雲來古洞沉浮圖

秦甲子金碧晉祇林玉氣終消歇空門自古今
且將猿鶴意半偈證禪心

登天池山十韻

作客歎飄蓬看山信短筇祇園倚雙樹流水浸
孤峰半壁間雲駐殘碑敗蘚封人尋泉脉坐僧
過石橋逢野色青初合嵐烟翠且重池開金函
苜山削玉芙蓉雨過猿收葉風生鶴唳松嶺寒
無度鳥洞暝有歸龍陳跡千年事禪心半夜鐘
傳聞堪度難吾意欲相從

四月望後寶林庵看月同振狂賦得千字

素魄盈三五寒光滿大千化城春雨後祇舍暮
鐘前寶地金初湧諸天鉢乍傳影分慧火照象
度法輪圓勝賞邀僧共清涼得地偏林搖珠迸
散臺淨鏡新懸空色花同幻明心水是禪慈雲
團碧桂香闌吐青蓮簷葡萄陰逾靜藤蘿景不延
旅懷渾忘却趺坐息諸緣

乙巳九日清涼臺徵會登高遂至烏龍潭

吳園時方子及還閩尹恒畱還蜀汪仲

嘉自新都至謝友可自燕至曾端甫自

豫章至同坐者柳陳父臧晉叔曹能始

俞羨長吳嗣仙梅子馬陸長康方子公

姚園客汪肇邵程彥之諸德祖吳非熊

洪仲韋林茂之王彥倫吳明遠共二十

有三人分得深字

上界清涼地名園綠水渟百年留勝賞九日共

登臨川歛高雲淨原遲素日陰澄江圍古郭遠

岫出疎林萬壑寒聲起孤城秋氣深笑看初合

劍愁對欲分襟楚蜀風塵色燕閩去住心斜陽
車馬散後會容難尋

能始署中觀月潭上人放鵠分賦

失路情何極依人意轉驕未堪娛耳目且復任
雲霄夜宿依僧定朝啼戀主嬌飛憐新翮短歸
憶故山遙化石疑成印墳河欲作橋驚弦魂未
穩繞樹夢偏饒曾逐冥鴻去無勞法磬招

齋捧比上留別社中諸子分得車字

祖道臨淮水嚴裝拜玉除出呼父母壽星引使

臣車江雨晴逾漲颶楊柳未疎慈闇新日月齊
郡舊簪裾鳳管催離席雞壇憶索居馬嘶人去
後花落鴈來初客路三春盡鄉心萬里餘思歸
仍惜別去住兩踟躕

夏日避暑積芳亭同陳惟秦徐興公鄭孟

麟賦卦名二十二韻共用四十五卦

坎坎逃名日炎蒸困客時斬將葵扇解復借藕
風吹石鼎烹茶沸松床剝蘚滋有花皆覆井無
樹不臨池漸覺鹿齋遠還驚節序移鴟升黏柳

葉魚躍捐荷枝閑世乾坤老離羣日月私鶯啼
嬌比竹雀噪翠疎離水渙鷗鳬渡雲屯鴈鷺陂
葛巾需漉洒草鳥坐彈棊遜跡聊攀桂同人且
杖藜敬通終恨塞小邴益棲遲落魄巫咸問冥
心子晉期睽違華髮改老大壯懷衰往事悲吹
蟲高談付解頤簾鋪豐草臥觴置碧筒隨蝶小
過牆戲蘿蒙向壁披日昏鐘度觀雷震雨催詩
蕙帶恒愁結蓮舟未濟危形骸真逆旅痛飲是
吾師上客紆珠履家人倒屈卮身名何日泰歡

豫轉成悲

端陽日招陳履吉諸子西湖觀競渡同用
歌字

一曲湖如鏡輕舟隱艾荷兒當懸艾節共聽采
菱歌棹影羣龍戲濤聲萬馬過楫飛晴散雨鼓
急水驚波藉草紅裙密密鳴榔錦袖多戰酣殘暑
失酒醒晚風和勝事追河朔英魂吊汨羅人歸
纖月正良夜樂如何

五月晦日避暑於山寺本宗上人出荔子

甘瓜作供同賦十韻

逃暑期幽伴。尋鐘到上方。
客心何住着。佛地自清涼。
夏臘同僧結。炎歎與世忘。
園葵烹露葉。石蜜割雲房。
已出伊蒲供。還分妙果嘗。
綠開霞散彩。紅辟玉浮香。
色奪青門種。瓢凝紫府霜。
有寒皆沁齒。無液不傾囊。
碧草侵桃簟。閒花臥竹床。
歸來山路晚。月落講經堂。

積芳亭啜瀛洲荔支同賦八韻得西字

見說瀛洲好。穰陰十里閨。
香凝絲籠滿。葉簇錦

九齊夾岸雲猶濕浮江日未西帆艷埋纓核襦
薄裂輕綿不分商山橘還勝太谷梨紅釘金屈
成白乳玉玻瓈絳雪丹堪餌芳塵路不迷會須
乘興往手洒聽黃鸝

夏日鄭孟麟招集九仙觀瞰荔支同賦數
名詩

一騎塵飛日層雲客上時一龍盤宛轉百雉控
逶迤三世燈猶照諸天景乍移四郊香稻熟萬
籠午烟炊五色珠搖水繁星玉滿枝六時僧禮

遍獨樹鶴歸遲。七曜光先到。羣峰秀欲窺。八牕
松翠落孤塔。薜雲垂九夏。行將盡。經旬興未衰。
十年歸始得。不醉復何爲。

六月十四夜同惟秦伯孺興公諸子芝山
覩月賦同用青字

此夜芝山月間來。幾度經風林。凝露白天闕。動
雲霧夏結依僧勝。涼多得地靈。光添三世火。節
少一枝蓂。魄讓圓珠鏡。波搖淨水瓶。驚寒鳥繞
樹。疑曉鶴梳羽。寶篆香初燼。銀壺漏未停。相看

渾不寐斜漢落殘星

一線天

積翠看無極層巒險不勝地應疑斧劈天已得
階升石潤苔常滴巖懸勢欲崩半泓功德水
綠照迷燈丹井虛遙望雲根忽暗登猿窺松嶂
月人倚石門藤力盡時眠草途窮每問僧寒流
聽渺渺衆壑望層層夾道排屏障當空聳劍稜
絕無飛鳥度祗有宿烟凝灶伏千年火沙埋六
月冰天闊低可叩仙馭杳難乘便欲憑風去塵

蹤恐未能

重陽後五日商孟和招集山齋看黃紹

色菊

誰云佳節邁且續
醉蘿盤坐看東籬
菊平臨北
半城衣
疑金鏤登色借錦紋成共砌爭陳艷分
叢亂落英徑廻香乍遠風動露初盈
映竹參差影含烟淺淡情曲欄斜對酒孤岫遠當楹爲問
將圓月花前幾度明

季秋偕季聲諸十遊聖泉得泉字二十韻

東山開寶刹傳是景龍年野逕緣溪遠層峰繞
郭偏錫飛初得地禽戲忽成泉竹老陰常覆松
枯脉暗穿鹿分甘露水龍出講經筵香闌諸天
近霜鐘萬壑傳沈灰原有劫滄海已爲田雲鎖
門雙塔林圍屋數椽泉濤驚鶴夢敗葉擁僧眠
霜落祇林樹苔深法座蓮稀聞來杖屨誰復布
金錢廢洞迷靈跡殘碑失古鐫六時荒院磬一
炷斷爐烟籠像七脊弓珠幡盡日懸樵人尋舊
址行客吊新阡趺籍蒲團穩登知蠟屐便悲風

初廣莫殘照日處漏絕聲微而裡外嚴鶴道邊

城陰浮薄靄燒影引歸鞭回首興亡地空林咽

暮蟬

千字元日過神光寺經月蘭若

春動冶城南
捫蘿穴遍採
開年新蠟屐
絳月舊
精藍野色青
猶追林光綠已含
布沙初作逕
倚石欲成風
守廢多餘地
僧閒不出庵
香留殘歲
火樹剩晚冬
柏栢葉林應禁
蓮花座可參
欲將如願祝
長日傍瞿曇

癸丑初度

宦情猶未盡四十七年強減却花前日添來鏡
裏霜樹聲秋遶屋檠裹病堆牀自分支離隱翻
成狴稚郎山村寒雨急水驛夜籜忙萬井鼃生
竈孤城雀處堂有懷空馬齒無夢不羊腸蠻觸
爭方急求羊徑漸荒白雲遊子泊紅粉少年場
且莫悲前事呼兒典鵝鸞

分水禹廟十四韻

授簡東方日驅龍汎水邊胼胝經此地俎豆自

何年酒澆寒流在丹青古廟偏沙埋新井
濕舊燭烟頽漢春秋薦松杉歲月遷板高行客
手撫神碑病僧眠像憶玄圭錫碑疑綠字鑄鐘廊
栖水惟看火乞湖田山色看依舊風烟空可憐
一錢通汝泗萬石赴幽燕眷鍤年年動軍儲日
日懸帆檣千里合村落幾家全明德當年遠神
功異代傳東方民力盡臨眺爲濟然

安平署中述懷五十六韻

丘壑元吾好風塵力未勝謾言金馬鷹翻作土

牛乘賜履三河遠封草六郡承辛無官長馬時
有簿書仍地重飛艘集晉間老吏能抱河城似
玦臨水署爲冰北極通幽薊南流控魯膝穆陵
齊地壯淮甸楚天澄畚鍤夕還舉粳粧歲屢騰
郵籤妨午夢官舫促晨興面目隨人改文章避
世稱寧知貧是病轉覺愛爲憎旅食愁新况離
羣憶舊晶彈基時映竹開卷夜挑燈方外忘年
友山中結夏僧露華紅孽荔冰水綠翻菱逐電
青絲騎排雲白角角鷹胡姬春釀壓趙女晚粧凝

寶帶鳴條脫銀牀織罈登夢迴香爐篆歌闋月
藏梭玉笛吹橫寒凋孤羌射堋隣多窺宋玉酒
或送王弘使劍經吳苑觀濤過廣陵名山皆蠟
屐絕壑獨擔簑東闕通瑤極燕山應玉繩雲衢
隨地望天路得此自升蜩鶯飛將奮駑駘價亦增
詞猶慙色絹宴也預紅綾捧日心常繫從雲氣
倍蒸誰知鶯鶯但便隔麋鹿層綏忝郎官貴茵
均刺史憑分符行郡國迨羽後農丞未學操刀
割彌深捧玉競雲霄霜翮勁象緝彩毫凌但欲

深懷瑾何知遠避矰風雲變蒼狗天地亂青蠅
萋菲終安用蹠蹠亦自應積薪古似汲投杼竟
疑曾舉世羞駢指何人問折肱沙蟲吹未了寒
馬失何曾白眼終難變紅顏轉自矜擬拋雞助
去勉就鶴書徵冀北千金駿圖南六月鵬寒流
河滌春秋色岱陵增地郭竿長濫東山屐再登
無勞況壁馬祇惜費金繪健恐薪垂盡沙防岸
善朋桃花無怒浪瓠子有荒牕樓迥隨雲度亭
虛任月昇移節聲裸露謂稚子髮鬚鬢蟻穴容周

弁龍門 姮李膺 全身看亦局守日固緘
滕宿鳥 知驚彈傷魚也遠曾鴻心元矯矯蟲羽故
歸鷗羽趣舍寧無定升沉固不恒長歌聊自適休弔劍

溪藤

賦得邊馬有歸心

百戰逐渾邪 歸心向渥洼夜深嘶漢月秋老怯
胡沙夢遶秦關道 魂隨屬國車霜飛金轡冷塵
起玉明 賦臥憶蒲梢地 冷思苜蓿花蹄穿憐錦
障聲斷咽胡笳瀚海無草墩 壩已及瓜征人

小草齋集卷之三

二十萬若箇不思家

泊濟寧

乘流初破浪待闇復羈栖隔樹河聲小臨檣鳥影低萬家樓來水十里柳沿堤暮館歌鐘起寒城遠靄迷榜人懸夜火津吏候晨雞應念沉冥日扁舟信碧溪

聞蟬

鳴蟬何哽咽碧樹影紛紛未蛻仙人骨誰招怨女魂竹梢風半度柳外日初曛繁葉宵栖穩高

枝暮響聞清心委朝露哀韻入孤雲滿目紅塵
道翛然念爾羣

對雪懷西湖舊遊

積素空齋冷飛花撲酒卮不堪添白髮轉今憶
璫枝堤上尋梅處亭前放鶴時十年清夢斷兩
地客心悲歲已梁園暮舟難刻水移天涯僵臥
意祗有碧山知

泗上懷古

孤城淮甸北客棹楚江東野戍留殘日歌臺憶

大風亭虛流水咽人去霸圖空天地二章後山
河自戰中粉榆非故國雞犬尚新豐芒碭愁雲
合面關王氣終夜蛩啼敗館秋卉落寒叢千古
英雄泪長天挂斷虹

柳

寂莫靈和殿風流不可攀蕭條灞陵曲摧折幾
時間翠色愁將盡離人去未還栖烟眠御苑帶
雨上春山看攀緣束帛兆腰肢學小蠻不如彭澤

里長日護柴關

賦得鴈字

來禽原有帖。忙爾只書空。試問鴻羣蹟。何如鳥。
篆工墨華朝。濕露筆陣夜。翻風錯落霞。襞上橫。
拖練影中銀。鉤霜外白玉。筋日斜紅少。婦空愁。
望廻文織未終。

盆魚

三十金魚小。盆中亦自娛。時看隨隊戲。漸解聽人呼。唼待風搖帶。翻荷露墜珠。幸無憂網罟。終不忘江湖。清夢疑三島。微生託一區。冥心觀物

理臨憩自踟蹰

交河懷古

聞道交河北平蕪舊戰場
行人千里自思婦九迴腸
世遠滄桑變時平壁壘荒
禹家新雉堞一水舊魚梁
青草江村雨蕭條客路霜
不堪懷古意歸雁在斜陽

小草齋集卷之十七

陳留謝肇淛著

友人馬歛校

六言律詩

送商孟和金陵應試

春風二月三月客路吳天楚天一劍白龍江上
孤帆朱雀橋邊南朝寺入芳草北固山當扣舷
伯樂已羣英野繞朝還贈秦鞭

發豫章道中寄喻宣仲

水草齋集
卷十七
昨夜留連高閣今朝迢遞重關斗間紫氣猶在
馬足紅塵未閒客夢尚依北海離心愁對西山
請看春草碧色已染征人淚斑

甲寅二月

客病時時中酒閒談往往逍遙垂楊河畔三月
芳草天涯一年離恨牀頭綠綺生涯架上丹鉛
故園桃李何在滿目江風野烟

春暮

燕子春來已暮午窓人困長眠年光半付夢裏

客恨閒生枕邊風散楊花作雪雨蒸芳草如烟
江南滿目風景只少聲聲杜鵑

送人之蜀

二月烟色草色萬里山程水程風靄虛無鳥道
江樓旦暮猿聲巴天積雪不盡楚館朝雲未晴
莫問永安白帝千秋此恨難平

夜坐

新月猶懸屋角北斗已挂樓西花影簾前欲動
寒烏樹杪爭啼草門落葉不掃石榻寒雲自栖

傷心棠棣何處故國驚聞鼓鼙

聞惟秦臥病京邸戲訊二首

瘦骨時時善病禪心日日清齋尊葵不足果腹
橘柚那堪渡淮五月炎塵翳馬窮冬朔雪飛階
羞殺青鞋布襪踏他龍尾大街

詞客酒人寥落俗情世態難詣試問鶯花帝里
何如松菊山齋牛衣對臥愁疾鳳闕相看打飛
始信虞翻骨相空生叔夜形骸

蚤行至八里村

殘月向人欲墜紅霞映樹初明指城草戶半掩
隔水荒雞一鳴遠岫支旗曙色寒塘鼓吹蛙聲
殘碑剝盡苔蘚行客空題姓名

田家雜事八首

百畝半蒞半秫數椽臨水臨山午風驅犢出壠
暮雨收雞閉關煨芋時燒榦粃隔花每聽縣蠻
漁父不來洞口桃源別是人間

箔上蚕眠三起籠中蜂放兩衙朝乘露氣接菓
夜聽雷聲采茶處處催耕布穀村村蔭水胡麻

早起晏眠日月量晴較雨生涯

麥田無事耘耨蔬圃爭鬪新奇移來上苑蘋果
接取楓亭荔支雨損甘蕉綠蓋風搖天棘青絲
賣錢沽酒一醉笑它野老鋪糜

雨向社翁催至龍從水府迎來泉聲樹杪飛落
雲色峰頭未開遠浦魚隨新漲柴門鹿臥蒼苔
不用桔槔達旦笑看黍稌成堆

早稻先秋已穫菱科隔水初升一夜西風白露
滿場瓜棗俱登池濱鷺啄紅蓼架上鼈攀紫藤

却笑江湖波浪中宵猶見漁燈

龍日綴枝簇簇雞頭出水鈍鈍竹留巨額將塲
連刺殘房半含雨後幾行紫菊霜前三寸黃柑
世間口福身福除是江南海南

遶屋山梅破玉沿江野薺垂金老妻日暮泥屋
稚女天寒擁衾有社雞豚共賽無人柏酒長斟
不須更祝三白自古豐登至今

生計非工非賈兒孫不吏不儒四隣山水長在
百畝田園未無盡日稀聞剝啄一生記識之無

但願時平樂業微
軀此知何須

天津道中

客途長滯水次賓
雁已度霜前半綠半黃堤柳
不晴不雨江天笙簫處處商舶魚蟹家家酒船
欲問朝來海市東方滿目風烟

安平署中二首

粉堞抱河雙珥荒村依水浮萍客來客去帆影
城北城南鼓聲里婦簪花趕集稚子敲金賣鈎
閒殺三年水部東西暮送朝迎

寄跡梁山水滸歸心閩海天涯借書安苦無處
薄俸翻愁有家霜早滿庭落葉春遲何地看花
籠峰笑人相似一日空排兩衙

憶清溪舊遊

白苧羅衣勝雪清溪芳草如烟荷風乍度歌扇
柳岸初迴酒船中夜樓臺烟火三春翠袖花鈿
繁華回首一夢踪跡依稀十年

齊集卷之十七終

小草齋集卷之十八

陳留謝肇淛著

友人王宇校

七言律詩一

古意一首

庭綠初殘花舞簷腰支愁瘦玉纖纖十年遼水
寒衣盡一夜邊風落葉添雲母屏空霜入鏡博
山香燼月當簾幾回繡得鴛鴦枕腸斷金針不
忍拈

搖落西風鴈幾行
明河如練露爲霜
征人塞上寒應早
少婦閨中夜獨長
茵苜難消千古泪
菱花不照九迴腸
一從紫燕雙飛去
孤負郎家玳瑁梁

璫梁

擬高常侍送王李二少府貶衡巫

長安落葉曉紛紛
謫宦離歌不可聞
草色青時啼望帝
竹痕斑處吊湘君
蜀江水向荆門落
楚客帆從劍閣分
二地相思徒極目
數聲南鴈萬重雲

登橋李城懷古

吳王城闕已千秋，城上雲低江自流。
亂後戰圖餘石馬，雨中王氣隱金牛。
草埋秦逕香俱盡，潮到胥山咽未休。
惟有鴛鴦湖畔柳，年年春色使人愁。

靈州曲二首

賀蘭山下古靈州，苜蓿秋肥怒紫骝。
驛使叩關通質子，將軍度幕射旄頭。
風吹漢月臨邊堠，鴈帶胡笳過戍樓。
出塞十年家萬里，黃河無日不

東流

陰山八月雪花凝鐵甲雕弓冷不勝都護防秋
燒磧草單于乘月渡河冰燉煌城遠狼烽斷勑
勒泉枯羽騎崩戰罷轅門刀斗靜平蕪落日臂

霜鷹

羽林行

少年初拜羽林郎甲第新開錦瑟堂樓上明珠
渾似月池邊綠樹不知霜官奴調馬裘皆白舞
女金鵠額半黃十一碧欄春處處綠熊深護紫

鴛鴦

美人早起

蘭閨漏盡惜芳辰宿酒猶酣粉未匀怯露顰催
攜手伴移燈低喚盡眉人珮搖睡蝶驚初起釵
映殘星錯並陳珠履臨階嬌不下風來時動暗
香塵

美人夜行

水晶簾卷斗初斜子夜香風度碧霞低下玉堦
將拜月獨攜銀燭爲看花流螢暗照同心結零

露涼侵緊臂紗徒倚雲屏望牛女斷腸歌管在
誰家

美人畫眠

金屋春閒繡嬾拈鮫鮒輕透遠山尖釵橫時腎
烟鬟亂褪暖微生粉汗沾爲雨爲雲香冉冉半
愁半醉玉纖纖目斜花影當窓見侍女低垂翡翠簾

美人春病

瑣窗烟暖舊痕殘強起聽鶯步復難香絮亂黏

雲鬢澁羅衣乍試舞腰寬芙蓉鏡減頻添恨楊柳簾疎不耐寒最是東風太相惱落花吹滿玉

闌干

南劍樓謁李先鋒祠

空中烟樹遠纘紛獨倚危欄送夕曛雙劍夜寒龍嘯月萬山遙翠鳥衝雲登樓幾度悲遊子血食何年憶冠軍明發片帆天畔去孤鴟斷鴈不堪聞

度錢唐

戊子歲

綠樹凝雲臘色深丹楓如雨下層岑錢唐波浪
浮天地吳越山河成古今落日孤舟魚鷹斷殘
年雙鬢雪霜侵周南自笑長留滯數點寒梅損

客心

虎丘懷古

百花洲水漫平蕪立馬吳山間霸圖妃後金精
應作虎生前寶業竟棲鳥虛廊不復鋪棟梓斷
石曾經試屬鏤惟有慙慙泉畔月故分清影照

姑蘇

舟入清河

孤舟萬里客心驚風物淒涼怯遠程黑髮愁從
今日白黃河看到幾時清楚山木落千峰出淮
水烟消一鴈橫回首滄洲無限好羞將書劍負
生平

望龜蒙山

輦路迢遙通北塞他鄉雲物變南天風迴古陌
千門柳日落中原萬井烟齊魯霸圖今已盡龜
蒙春色遠堪憐傷心欲問前朝事城郭人民幾

變遷

平原

雪殘燕谷度寒鴉回首南天不見家馬入長堤
分柳色人隨流水問桃花遶山宿霧常如雨近
闕春雲半作霞欲叩彤庭獻二策遙瞻紅日是
京華

初至京師

己丑歲

紫殿芙蓉玉露清九天佳氣護神京山明帝
座雙龍闕日麗春雲五鳳城長樂鍾聲眠御柳

上陽花色醉流鶯
書生待詔金門外
欲賦長楊

媿不成

落第

燕臺挾策苦風塵
又向都亭問去津
海國迢遙千里道
天涯流落一歸人
風高塞上鴻皆斷
雨泣吳門柳不春
裘敝黑貂金已盡
看雲空有淚沾巾

過鄭州

青青草色染征裾
二月王孫賦索居
燕市空來

無駿馬閩江歸去有鱸魚桃花開處霞相媚柳
絮飛時雪不如醉卧扁舟弄明月不妨蹤跡混
樵漁

鉅鹿道中

獻賦凌雲心事違又勞行役遠騁
三春遊子雙蓬鬢萬里還家一布衣芳草有情迎馬去落
花無主傍人飛歸心更覺滄洲好明月寒烟鎖

釣磯

南溪舟中

布穀聲聲似故園江臯雲木照黃昏鶯花未負
三山約行李猶餘一劍存月到圓時憐客影溪
當流處斷人魂枯枝爨盡誰相問欲奏金徽不
敢言

懷陳振狂

芳草啼鶯年復年燕都閩海各風烟青山結社
居人後流水還家在客先黯淡狂波寒澗日延
津紫氣夜沖天釣龍臺上雲生處下有幽人正

草玄

山中夜

薛老峰頭秋可憐草亭寂寞水潺湲風吹蘆荻
虎初嘯雨滴梧桐人未眠萬事無心雲外屐半
生作計杖頭錢山陽一曲空愁我知在柯亭第
幾椽

燕山歸送振狂兄征二首

匆匆相見卽天涯書劍瑤琴五月槎片石看時
聊共語名山到處便爲家江南春樹雲如錦塞
北秋風雪作桃花葉柳條都是恨不堪惆悵說

京華

壯遊萬里奉庭闈歸夢何須戀釣磯馬上山多
沙塞近雪中人去鴈行稀二江明月皆詩草五
色春雲作舞衣天到長安應更好鶯聲滿路柳
花飛

一別

一別滄江今復來柴門流水舊蒼苔雙雙野鹿
窺禪榻片片飛花落酒杯南國干戈鴻鴈盡東
山風雨杜鵑哀生涯勸業空回首萬事艱難白

小草齋集
卷十八
髮催

飲徐惟和綠玉齋得喧字

綠玉齋頭酒一尊桃花疑是武陵源飛雲片片時留楊山色青青半在門海國秋風聞落葉鼈峰涼雨送黃昏滄洲白眼愁看汝若箇于今可

避喧

八月十四夜同陳汝大陳伯孺集綠玉齋

秋色將分夜更涼齋頭綠玉似瀟湘風敲松韻渾成籟衣過花陰別有香海上孤峰先吐月山

中萬木早含霜劇憐老子情非淺還向南樓縱酒狂

贈陳平夫

俠氣翩翩過所聞相逢擊筑醉斜曛幾年玄草誰知我此日青山合屬君搗藥聲殘磯上月新詩奇占海頭雲窮愁最是書堪著石室由來有

古文

送周開府轉大廷尉

閩山草木峴山歌銅柱威加馬伏波彭蠡江聲

天外起延津劒氣半間多中丞臺舊鳥堪愛廷
尉門清雀可羅一片寒霜隨柱後不知漢法近
如何

贈蔡景明叅知

功成去國伴滄浪足遍雲山句滿囊家散黃金
收駿骨匣留紫氣辨魚腸鸕鷀裘敝貧猶俠鸕
鷀文成老更狂我有枯桐今未爨好將山水問

中郎

病後懷陳子卿孝廉

病肺當年卧馬卿
蹠鍾空館夢難成
樓頭吹笛月千里
枕上懷人鴈一聲
烏石秋高寒菊淨
壺山木落暮雲平
峽江如帶通金鎖
何日雙魚到海城

寄長安舊人

長安醉別黯銷魂
記得雲英枕畔言
夢去斷雲千里鴈
書成隔嶺一聲猿
篋中桐葉新詩句
裙上榴花舊酒痕
飄泊王孫歸未得
向人不忍問桃源

郡守江先生招遊西湖同領南曾仕鑑家

舅徐熥賦

水晶遺殿控江濱五馬何來問釣綸臺榭當年
成往事湖山此日有高人波光白送千峰雨草
色青回十里春何似南屏最高處水雲如練雪
如銀

庚寅人日同王汝存陳振狂登釣龍臺送

曾人倩歸嶺南

亂山落日照登臺一曲驪歌萬壑哀羈業遠隨

龍氣盡春雲細逐馬蹄來薄遊已倦休彈鋏客
路難分數舉杯歸去羅浮明月夜相思爲寄一
枝梅

寄郭士龍

芝山相見贈寒梅瑟向齊門事可哀白璧有時
逢按劍青山無恙且銜杯江湖只合容吾黨造
化還應忌汝才牛角歌殘天未旦不堪回首築
金臺

全陳汝翔集綠玉齋兼懷惟和

一榻群峰對白袍千竿寒玉照葡萄山中客到
星應聚坐上詩成月漸高花氣晴生陰洞霧天
風夜送海門濤遙憐雙劍何時合潦倒尊前首
重搔

送郡守江先生備兵吳中

幾年卧治海城頭此日攀轅不可留露冕已看
雙麥秀星文遙指百花洲山當繡嶺攢雲出水
合婁江抱郭流六月飛霜隨使節姑蘇臺上萬

悼亡四首

塵埋鸞鏡不成雙夜雨孤燈漏故長纏帳有香
空翡翠寒衾無夢到鴛鴦千年流水銷芳骨何
處青山識遠粧歌罷大招魂不返忍將心事問

高唐

五年燕婉意如絲一下天台竟別離屢響秋餘
西子骨案齊空憶孟光眉月窺寢閣秋雲冷雨
泣孤樟午漏遲最是傷心庭畔樹春來依舊發

連枝

落日深山杜宇哀可憐花謝不重開餘香未散
金條脫淡粉初消玉鏡臺薄命人亡真似土相
思心在紙成灰秋風秋雨無情甚偷入空房生
綠苔

夜臺歸夢路沉沉剩得殘香在錦衾事去已無
乘鳳侶恩深空有泣魚心五更燈暈催寒漏八
月霜花起暮砧憔悴人逢搖落日不堪更誦白
頭吟

聞警二首

邊風吹雪草蕭蕭胡馬秋肥箭在腰金繒幾年
歸日逐王關無計閑天騎龍城塵合看如霧瀚
海水堅渡作橋聞道二河徵騎士將軍誰是霍
嫖姚

榆林羽檄到幽都塞上雲愁白骨枯萬里長城
空飲馬頻年烽火照飛狐天山八月寒無草上
谷千家夜有烏願借君王食前箸從容畫出

九邊圖

九日登芙蓉山絕頂

咫尺清都近可攀濤聲秋色老空山蟻封隱見
圍千雉螺髻微茫指白蠻絕壁刺天無鳥度半
巖采藥有僧還東南霸業蕭條盡流水荒臺石
蘚斑

經鼓山廢寺

四壁霜飛猿嘯哀風高木落氣悲哉江南秋色
關河動海上浮雲天地迴幾字殘碑眠亂草千
年流水注空臺山丘人代成今古萬事傷心涕

泪催

十月一日

薛老峰頭寒氣動越王臺上山光幽霜殘草木
孤城冷日落魚龍水國秋萬里烽烟愁瘴海一
時戎馬暗邊州柴門寂寞滄江晚人事蕭條空
白頭

過虛公故方丈一首

荒山古木亂啼鴉行到空門目欲斜法祖何時
成善果講壇誰復落天花身前錫杖留驚鶴洞
裏爐烟幻作霞薛老峰頭春寂寞璇泥時汚舊

小窗子齋集 卷十一
架裟

革履持歸迹已陳
西天何處覓前身
巢鳥下食猶疑主
寺柳飛來不見人
衣鉢百年留淨土
殘經十部委遺塵
珠林零落山河靜
迷路無由更問津

陳山人餉葡萄

曾隨天馬到長安
五月宮鶯啄已殘
嫩綠未匀春酒薄
輕圓愁破玉漿寒
摘當花逕雲猶濕
攜到筠籠露未乾
司馬年來方病渴
謝君爲與九

還丹

卽事

白龍江前雲水繁五虎山下銷人魂敗田短犢
誰家婦流水荒原何處村北極浮雲哀白日西
郊戰鬼哭黃昏干戈未定風塵滿書劒飄零一

酒尊

曉起同陳七尋梅

月落臺江散曉氣花神驚起白龍君林間宿露
寒猶重霧裏梅花色不分流水細看踈影見青

山行近暗香聞不知春事能多少馬上題詩問

白雲

辛卯元日同汝翔惟和登九仙山過趙道

人

青陽初動越王州蠟屐從君散九愁野客客山中
攜綠纏道人洞裏卧青牛高臺殘日烽烟靜海
國春風草木柔自笑萍蹤無住着相逢到處是

丹丘

二日同諸子登萬歲浮圖得難字

高臺突兀俯層巒百丈懸蘿客到難海上東風
春意早山中歸鳥夕陽殘雲連塔影摩天近松
撼潮聲入寺寒欲借空門息塵累從君醉倚石

蘭干

人日登釣龍臺懷曾孝廉仕鑑兼呈王文
學湛陳山人宏已

羣山羅立大江迴歷亂梅花撲酒杯人日重尋
高士傳德星猶傍越王臺二江月冷龍應去五
嶺春寒鴈未來爲問蘆中舊同伴題名今已半

倉苔

送劉季德遊武夷

丹山九曲水爲鄉
問爾何來跨五羊
毛竹半溪看玉女
桃花三月待劉郎
仙猿啼處春如霧
玄鶴歸時夜有霜
寄語曾孫今幾世
別來滄海又成桑

羅山齋中

一徑山中空翠來
數椽雲裏閉蒼苔
潮聲夜到芙蓉帳
山色遙連金粟臺
流水小橋雙鳥下
夕

建溪

百里晴沙清不了滄江錦樹共斜曛
秋水落霞龍窟盡日風迴鶴鶴羣長路蕭條悲故國亂山氣慘變浮雲治城魚鷺無消息兩岸猿聲不可聞

黯淡灘

黯淡灘頭天地迴惡浪壓山山爲摧蒼虬吼風白日動長鯨吹雪青溟開中流舟楫應難住故國音書竟未來勞勞行役朝仍暮萬事驚心盡

角哀

小竿嶺

小竿嶺頭秋草黃仙霞關外非吾鄉當壘壓酒
此村女躡屩擔簋何處郎坐愁南天少鴻鴈翻
防長路多豺狼浮生出處已如此獨立風塵鬚霜

度錢唐

辛卯歲

十月寒風吹棹遲青山紅葉正堪悲鐘鳴野寺
霜殘後潮落江明月上時空氣空盤南宋殿鳥

啼多傍伍公祠山河寂寞滄波冷回首長天有

所思

遊西湖

寒城簫鼓亂江皇十里湖光散暮濤柳暗六橋
秋水落天迴三竺晚峰高樹色遙迎青雀舫嵐
烟晴潔白雲袍可憐歌舞年年在客子風塵已

二毛

姑蘇懷古

吳王舊國野花開歌舞銷沉事可哀響屢廊中

香骨冷姑蘇臺上霸圖灰荒城日落啼鳥亂南
國霜深獨鴈迴明日寒山西去路鐘聲夜半度

江來

度江

江門高浪濕雙旌南北中分似帶橫地涌金山
成一柱天開鐵甕作孤城二秋日色蠻烟暗半
夜潮聲海市生自笑風塵長作客不堪塞鴈又

南征

北平道中

天高木落鴈南征絕塞風烟損客神鳥道經年
惟白草馬蹄無日不黃塵寒山似黛遙圍野朔
雪如花巧向人極目蕭條思無賴欲將書劒問
垂綸

齊中感事

汶水梁山鬱相望中原雲物不勝寒空村敗屋
棲鳥盡衰草長堤繫馬殘直北風烟何日定澤
南租稅幾時寬浮雲蔽日長安遠獨對塵冠未
敢彈

題桐城旅邸

萬方落日氣蕭森滿眼風塵晝復陰海上青山
魚鷹斷天涯衰鬢雪霜深關河北望他鄉汨鳥
鵠南來故國心漂泊征途猶未定中原夜夜起
寒砧

雪

汎園一夜北風生天土瓊河凍不成弱柳忽驚
飛絮早征人遙在玉山行臨江半染寒梅色落
地時兼細雨聲記得去年鼈頂上蠣房初熟倒

銀觥

入燕

滄水遙連燕市北秦城近遼太原東
寒鴉界破千山雪胡馬長嘶萬里風
病肺生涯蓬鬢裏驚心關塞羽書中
金臺駿骨俱塵土愁指長安近

日紅

至京師

辛卯歲

玉河橋畔解征鞍丹鳳樓前霽雪寒
北斗幾時瞻氣象西山依舊護長安
紅樓柳憶當年折紫

陌花應再度看夜半鍾聲驚客夢天涯海上路
漫漫

辛卯除夜得家書

烟柳河橋動麴塵
踈燈孤館影相親
一年氣序
餘殘夜萬里關河
獨此身南國鴈傳雙袖泪
上林鶯喚隔宵春
椒花柏葉知何處
愁殺天涯去住人

作家書送人南還

雨過殘春花亂飛
江南雲樹夢中微
鴈聲斷處

書初就燕子來時人未歸夜半暗風吹錦字天涯雙泪上征衣高堂若問遊人信莫道風塵鬢已稀

春盡晚望

風吹易水日初曛遠樹晴原翠不分疲馬嘶殘千里草歸鴉啼散半山雲天涯春色應難住客裏鴻聲不可聞見說關中多戰伐欲將長劍學從軍

五月

蒲柳青青故國遙
風烟忽忽客魂銷
十年魏闕空存舌
五月燕臺且折腰
獨樹看人麋鹿慣
晴天浴子鶴鵝驕
萬方多難窮愁日
幾點西山慰寂寥

長安秋興六首

木葉蕭蕭雲物秋
荒城寒雨獨登樓
風塵海上音書斷
落日關中鼓角愁
萬甲歸心青雀舫
頰年孤客黑貂裘
千丈人事渾無賴
夢在城南蘆荻洲

燕山鴈影下南樓絕塞砧聲薄暮愁病後一身
真似葉客中雙鬢又逢秋關山直北家何在將
士征西哭未休更說遼陽飛羽檄幾時青海落
旄頭

西風玉露動金臺永夜秋聲天地迴自笑東山
爲客久可憐南菊背人開沙村木葉蒼烟斷江
閣蘆花白鴈來碧海孤帆且歸去不堪處處鼓
鼙哀

日暮二邊豺虎多乾坤萬國且干戈泰山玉牒

無消息金谷銅駝可奈何笳角秋生花馬寨羽
書夜渡白狼河滄江回首銷魂地華髮驚心東
逝波

文帝當年定鼎功燕關百二控山東九城錦繡
開天上萬國衣冠會洛中咫尺風烟隣絕塞歲
時烽火照行宮只今宵旰勞明主計日安危
在數公

燕山迴合勢峻嶒極目浮雲幾廢興碣石宮空
春草含黃金臺古夜雲崩歌聲不散千門殿玉

氣長盤

十帝陵立馬西風傷往事蕭蕭楊柳

玉河水

出長安

白鴈紅塵驚客魂都門旅食又秋分
主恩乍

捧茗溪檄歸夢遙隨碧海雲一路馬蹄衰草盡
滿天寒雨暮砧聞平生遠志還堪笑謝爾西山

猿鶴群

八月十六夜滕陽城樓

鴈落滕陽驚素秋風烟萬里暗南州旅魂欲斷

誰家笛兔魄遙生何處樓朱匣鏡開微有暈玉
河斧缺不堪脩可憐一種蛾眉夜斜倚銀屏看
斗牛

登黃樓感事時彭城以西大水

獨上危樓江可憐蒼茫雪浪欲浮天三秋夜漲
千峰雨一片孤城萬里船落日離人空有泪柴
門流木已無烟蛟龍窟宅從橫甚西望澶淵空

音賢

寄振征

高秋霜月滿蓬窓
永夜愁心不可降
憐汝獨乘青雀舫
與誰共醉白龍江
西風洞口竹千箇
明月蘆中鷗一雙
閩水吳山萬餘里
相思兩地剪銀缸

寄徐興公

爲問南州徐孺子
經年不見一行書
掉頭已分同巢父
病肺何妨賦子虛
雨損藥欄猿解補
雪侵松逕鶴能鋤
鼈山桂樹堪招隱
待我峰頭月上初

懷陳平夫伯孺幼孺

我落江湖汝索居別來三二鳳近何如青山長對高人榻窮巷應多長者車洞裏水簾和月捲磯頭石髮帶雲梳武夷半壁堪藏史知爾窮愁有著書

入閩

仙霞關外日初昏咫尺南天是故園九月風霜去年路幾家雞犬舊時村白雲似笑重來客青草偏驚遊子魂悲喜不知歸路晚夢隨斜月到

紫門

仙霞懷汝翔

天設閨關百二重
紫霞飛出玉芙蓉
數聲啼鳥孤城月
一片青山十里松
巖裏濕泉如雪落洞
前碑篆有苔封拾來
瑤草憑誰寄愁聽
前林半夜鐘

南溪舟中

不見閩山又一年
歸來雙鬢已風烟
衣從帝里緇應盡
囊向窮途卓可憐
半領蠻歌秋瘴裏
隔

江燈火古城邊故園徑今搖落拚醉東籬殘菊天

之君溪留別社中諸子

與君把臂期入林中途產網嬰人心年來作吏
顏色惡東下苕溪風雨深戎馬南方警復急笑
蓉江上歲將陰渭城一曲不暇唱仗劍行歌梁
甫吟

延津用潯陽羅司李先生二首

山丘零落幾經春故老相傳說使君華表月明

孤鶴夢郡齋人去落花間十年司李官如水
世浮萍半似雲天上夜來箕尾氣行人錯道是
龍文

風流文采兩無倫
緜領何來控鶴身
宦途將歸惟有劙
遺編欲授已無人
雙龍潭上天多雨
五老峰頭草自春
一過西州腸斷絕
不堪垂汨拂

龍脣

遊武夷

一片丹山翠萬重
寒流曲曲倒芙蓉
曾孫宴罷

空留幔玉女粧成幻作峰雲裏水簾天畔雪月中
鐵笛院前鐘紫芝瑤草憑誰採笑駕青鸞間
赤松

宿武夷天游觀

玉蕊丹砂不可逢且憑雙屐問仙踪懸蘿絕磴
無飛鳥亂竹空山有斷鐘壑底雲陰奔似馬洞
前松樹老於龍月明夜半吹笙罷我在蓬萊第
一峰

清明

去年寒食客燕都今歲清明傍太湖芳草不知
人獨往桃花何意鳥相呼烽烟海國孤舟在寂
寞江南一字無趺坐高齋人事絕楞枷經對鬱
金爐

登峴山

長風吹水見歸鴻與客移尊扣梵宮峰影倒看
春浪裏鐘聲遙度暝烟中沙光如雪當簾白落
照涵江隔樹紅自是山靈留傲吏故教明月出

山東

感事一首

三月欲破蠶生齊倦眠不得聽隣雞早衣束帶
何意味風雨泥塗多慘悽南天處處斷鴻鴈北
地時時聞鼓鼙未知顏色向誰是囊空入門羞
老妻

忽聞關白近王京日日官軍請救兵鴨綠江頭
消息斷黃金臺羽書驚江南遊客愁妻子海
上親知半死生回首可憐罷病後豈堪豺虎更
縱橫

情詩

彩鸞青鳥兩無蹤知在行雲第幾峰帳掩梅花
三日雨香銷柏子五更鐘鴻聲似逐離魂斷山
色應添別恨重寂寞秋江天接水相思何地采

芙蓉

小草齋集卷之十八

卷之十八

三